

समे & 12:25 hrs.

<><><><><><>

Pm Vande Matram

प्रधानमंत्री नरेंद्र मोदी होरें अज्ज नमीं दिल्ली च राष्ट्र गीत 'वंदे मातरम' दे 150 ब'रे पूरे होने पर साल भर दे स्मरण समारोह दा उद्घाटन कीता। प्रधानमंत्री होरें इस मौके उप्पर इक डाक टिकट ते सिक्का बी जारी कीता। उनें इस मौके पर इक पोर्टल Vande matram 150.in बी शुरू कीता जेदे च लोक राष्ट्री गीत गांदे होई अपने वीडियोज़ बी अपलोड करी सकदे न ते सर्टिफिकेट बी हासल करी सकदे न। इस कार्यक्रम गी संबोधित करदे होई प्रधानमंत्री नरेंद्र मोदी होरें आखेआ जे वंदे मातरम इक मंत्र, इक उर्जा, इक सपना ते इक संकल्प ऐ। उनें आखेआ जे एहू गीत भारत माता दी भक्ति ते आराधना ऐ जेहड़ी इतिहास च वापस लेई जंदी ऐ। वर्तमान गी आत्मविश्वास कन्नै भरी दिंदी ऐ ते भविष्य च नमीं हिम्मत पैदा करदी ऐ जे कोई बी संकल्प पूरा कीता जाई सकदा ऐ।

<><><><><><>

RS-Oath

उपराष्ट्रपति ते राज्यसभा दे चेयरमैन सी.पी राधाकृष्णन होरें राज्यसभा दे 2 नमें चुने गेदे मिम्बरें गी ओहदे दी सगंध दोआई। राधा कृष्णन होरें केंद्र शासित प्रदेश जम्मू-कश्मीर च भारती जनता पार्टी दे अध्यक्ष सत शर्मा होरें गी ओहदे दी सगंध दोआई। सत शर्मा होर संसद दे उप्परले सदन च जम्मू-कश्मीर दी नुमायंदगी करडन। राज्यसभा लेई चुने गेदे इक होर मिम्बर राजेंद्र गुप्ता जिनेंगी आम आदमी पार्टी आसेआ सदन च भेजेआ गेआ ऐ, उनेंबी ओहदे दी सगंध लैती। ओहू इस सदन च पंजाब दी नुमायंदगी करडन।

<><><><><><>

Campaigning

जम्मू-कश्मीर च नवंबर गी होने आहले नगरोटा विधानसभा उप-चुनांऽ लेई प्रचार तेज होई गेआ ऐ। बक्ख-बक्ख सियासी दल मतदाताएं गी अपनी बक्खी करने लेई रैलियां ते जनसभा करा'रदे ना। पिछले ब'रे एम.एल.ए देवेन्द्र सिंह राणा हुं'दे काल मगरा एह सीट खाली पेई दी ही। बीजेपी दी देवयानी राणा ते नेशनल कांफ्रेंस दी शमीम बेगम जनेहू मेदवा चुनांऽ मैदान च खड़ोते दे ना। मतदान शा पैहले प्रचार अभियान तेज होई गेदा ऐ।

<><><><><><>

CM-Super Speciality

मुख्यमंत्री उमर अब्दुल्ला होरें सुपर स्पैशिलिटी जम्मू दा दौरा लाया ते उत्थे उपलब्ध सेहत सरबंधी दिक्खभाल आहली सहूलतें दा जायजा ते भविक्ख दिएं योजनाएं दा बी पता लाया। इस दौरे दुरान मुख्य करी ध्यान सेहत सरबंधी दिक्खभाल आहले ढांचे, समर्थ निर्माण ते अज्जै-कल्लै दिएं सेहत सहूलतें पर दित्ता गेआ तां जे मरीजें गी बेहतर ईलाज मुआलजा हासिल होई सकै। जीएमसी जम्मू दे प्रिंसीपल डॉ. आशुतोष गुप्ता होरें मुख्यमंत्री हुं'दे दौरे कन्नै सेहत सेवाएं गी मजबूती थोने आहले लाहू गी उजागर कीता। उनें अस्पताल च रोबोटिक सर्जरी शुरू करने दिएं योजनाएं बारै बी गल्ल कीती।

<><><><><><>

CS-Agr.

मुख्य सचिव अटल डुल्लू होरें जम्मू-कश्मीर च राई-बाई ते एह्दे कन्नै लगदे क्षेत्रें दी सकारात्मक सुधार परियोजनाएं ते किसान खिदमत घर दी प्रगति दा जायजा लैता। इस दरान उनें जमीनी स्तर पर असरदार अमलावरी, लगातार नेड़मी तक्क रखने, महिलाएं ते करसाने दी मती दशा मती भागीदारी गी यकीनी बनाने दे निर्देश दित्ते। एह् प्रोग्राम जलवायु अनुकूल, बजार आधारित राई-बाई गी बढ़ावा दिंदा ऐ ते एह्दे तैह् 20 ज्हार श मते आवेदन हासल होए ते 9 ज्हार 800 मंजूरियां दित्तियां गेइयां जेह्डा एह् दस्सदा ऐ जे बड़ी मती गिनतरी च करसान इस प्रोग्राम कन्नै जुड़े दे न।

<><><><><><><><>

Poonch-Firecrackers

पुंछ दे डिस्ट्रिक्ट मजिस्ट्रेट अशोक कुमार शर्मा होरें जिले च अगले हुक्मै तगर पटाखें दी बिक्री ते इस्तेमाल पर पूरी चाल्ली पाबंदी लाई दित्ती ऐ। एह् फैसला एस.एस.पी पुलस आसेआ दित्ती गेदी इक रिपोर्ट मगरा आया जेदे च ब्याहें आहले दिनें दरान पटाखें दे इस्तेमाल दी गल्ल कीती गेदी ऐ जेदे च सेना ते सुरक्षाबलें गी गलतफहमी होई सकदी ऐ या फ्ही उन्दे लेई यक्कोतक्की आहली स्थिति बनी सकदी ऐ। आतंकवाद या फ्ही गोलीबारी सरबन्धी कुसै बी घटना दरान सुरक्षाबलें दी कार्रवाई पर पटाखे चलाने करी असर पेई सकदा ऐ। भारती नागरिक सुरक्षा संहिता दी दफा 163 तैह् एह् पाबंदी लाई गेदी ऐ। अधिकारिएं गी आखेआ गेआ ऐ जे ओह् इस बारै जागरूकता फैलान। हुक्मै दी खिलाफवर्जी करने आहलें कन्नै सख्ती नै निब्वड़ेआ जाग।

<><><><><><><><>

BSF-Marathon

सीमा सुरक्षा बल-बीएसएफ जम्मू दा फ्रंटियर मुख्यालय, जम्मू बी.एस.एफ मैराथ-2025 दी तैयारियें दे हिस्से दे तौरा पर दो रोजा मैराथन एक्सपो आयोजन करा'रदा ऐ। एह् एक्सपो 7 ते 8 नवंबर यानि कल ते

परसो दपैह्नी 12 बजें शा संझा 5 ब'जे तगर शहीद वीर देव स्टेडियम, बीएसएफ पलौड़ा जम्मू च होगा।
एक्सपो दरान पंजीकृत रनर्स अपने bib नंबर ते अधिकारिक टी-शर्टा हासल करडन ते उत्थें औने आहले लोक
लाइव बैंड दे प्रदर्शन दा नंद लेई सकदे न जेहदे कन्नै बीएसएफ ते जम्मू दे लोकें दे उत्साह ते उर्जा गी दर्शाया
गेदा ऐ। जम्मू बीएसएफ मैराथन 2025, 9 नवंबर गी होगा।

<><><><><><><>